

stock

■ Unner Grillobnd ganz ubn im Auerschbarg-Haus

De Aamaldlist bei dor Antina im Schatzhaus - noochdam siech allezam orndlich gemald un ogemald ham - un die vun Matthias ausgetiftlte Autofahrerei hat gut – fast nooch Plan – funkschonierte.

Nooch dor Bargauffahrt ubn aakumme, ham mir uns mit dor Bewirtschafting geaanicht, doch lieber drinne ze assn, weil: Wespn un Mickn treibn siech haufnweis drausn rim, die kenne uns ziemlich steern un is Grillbiffee total belachern, was net grod appetietlich wär. Un später werds aa frischer of de Bänkle.

Des kuntn einiche schu mol net akzeptiern, is is doch esu schie in dor Sonn. Des is zwar wahr, aber mor muss aa die annere Sach ieberdenkn kenne.

Allis hat gut geschmeckt, dor Maa hat draußn gut gegrillt un is Maadl hat schnell un orndlichst immer wieder de Trinkerei raageschafft un uns allezam bestns bedient. Bestn Dank dodorfier!

Mir ham alle Achtung for die Wirtsleit, die siech die grüße

Aufgab zur Bewirtschafting for den Barg ganz in Familie samt Kinner gestellt ham, un des aa noch 7 mol de Woch ganz uhne Ruhetog! Des muss erscht emol aaner noochmachn.

Mir ham dor Barg-Chefin vorsichert, des viele vun unnern Vorein immer wieder gern do nauf kumme un ihre Gäst sei wölln!

*Läßts eich gut gieh un blebt allezam gesund –
des wünscht eich alln dor Schmidti vun Haamitvorein*

